



UKA 2015/55
11. november 2015
Agathe Fontain

Meeqqanut suli atualingitsunut perorsaanikkut inerikkiartuutaasunik ulluunerani neqeroorutitut pissarsinissamut utaqqisarnerup qaammatinik immikkut aalajangersarneqartunik qaangerneqaqqusaajunnaarnissaa anguniarlugu, Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaanni nr. 16, 3. december 2012-imeersumi § 5-ip allanngortinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Tillie Martinussen, Demokraatit)

Inuit Ataqatigiit meeqqat pillugit politikkiat ataatsimut isiginneriaatsimik tunngaveqarpoq. Taamaattumik isumaqarpugut meeqqat timimikkut, eqqarsartaatsikkut, isumassorneqarnikkut tarnimikkullu peqqissusiat aamma ineriartornermut periarfissaat assigiimmik naligiimmillu pisariaqartitsinertut inuiaqatigiit isumannaarniartariaqaraat. Meeqqat tamarmik pitsaasumik, toqqissisimasumik naleqarluartumillu meeraasinnaanissaannut tunngavissaqaqqullugit qulakkeeruttariaqarpavut, pingaartittariaqarparpullu inuiaqatigiit atugarissaarfusut ineriartussasut, meeqqanut taakkulu peroriartornerannut pitsaanerpaamik kinguneqartumik.

Taamaammat siunnersuuteqartoq Tillie Martinussen Inuit Ataqatigiinnit isumaqatigalugu aamma uagut oqaatigissavarput; ilaqutariinni meerartalinni tamani ataataq anaanarlu suliarforsinnaasariaqartut nalunagu meeqqatik isumassorneqartut avatangiisini toqqissisimanartuni, angajoqqaat sullivimmik paarsinerisa nalaani. Miserratigineqarsinnaanngitsorli mannaavoq meeqqanut atualersimangitsunut tamanut meeqqerivinni inissaqartitsinissaq kommunit inatsisit malillugit maannakkut akisussaaffigimmassuk aammalu kommunemiit kommunimut meeqqerivinnut utaqqisuuteqartitsisarneq assigiinngissitaarmat, illoqarfiit ilaanni sivikinnerusarluni allanili - soorlu Nuummi sivilunerusarluni.

Inuit Ataqatigiit siunnersuummi taasissutigineqartussaq paasilluarusullugu ataatsimiititaliamut ingerlatissavarput, suliarineranilu, nunatsinniit aamma DK-miit nuussamaartut ulloq nuuffissaq ukiup affaanik sioqqullugu ornitassamat illoqarfimmut nunaqarfimmulluniit utaqqisutut allatsissinnaanissaq ilanngullugu misissoqqullugu.